

Áššeovddideapmi

— Vuodđodokumeanta.
— Jorgaluvvon dokumeanta

Vuorkááššennr. 2018/563-8	Vuorka: 145	Áššemeannudeaddji: Marit Elisabeth Hætta Gaup	Dáhton: 17.11.2018
-------------------------------------	-----------------------	---	------------------------------

Lávd.áššennr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	
	Eldreråd	
	Bargobiraslávdegoddi	
	Råd for funksjonshemmede	

EKONOMIJJAPLÁNA 2019-2022

Mearrádusdiehtu sáddejuvvo dán čujuhussi:

- Finnmárkku fylkkamánni, Statens Hus, 9815 Vadsø
- VEFIK IKS, Postboks 1023, 9503 Alta
- KUSEK IKS, Postboks 1261, 9505 Alta

Čujuhuvvo čuovvovažži:

- Ekonomijaplána 2019-2022 oktan doaibmaprográmmain ja 2019 jahkebušeahtain
- Suohkanláhka §§44, 45 ja 46 ja guoskevaš láhkaásahusat
- 2019 Stádabušeahtta ja Ruona Gihppa 2019
- KS 2019 rámmadoarjja prognosamálle
- Guovdageainnu suohkana ekonomiijanjuolggadus
- Proposišuvdna 1 LS (2018-2019) Stuorradiggái (evttohus Stuorradiggemearrádus) mii guoská vearru, - divat ja duollumáksimiidda bušeahttajagis 2019 – Stuorradikki vearromearrádus
- Suohkanstivrraášši 82/87 Opmodatvearu ásahit
- Suohkanstivrraášši 42/06 Opmodatvearu čálihit olles Guovdageainnu suohkanii
- Suohkanstivrraášši 42/17 Mearridit opmodatvearu 2018

Mildosat:

1. Ekonomijaplána 2019-2022
2. Listtu mii čájeha evttohusaid ođđa doaibamdoaimmaide 2019-2022
3. Listtu mii čájeha evttohusaid seastindoaimmaide 2019-2022
4. Listtu mii čájeha evttohusaid investerendoaimmaide 2019-2022
5. Finánsaraporta 2018

Ášši duogáš:

Dáinna ovddiduvvo evttohusat boahhte jagi bušeahta rámmaide ja ekonomijaplána boahttevaš 4 jahkái. Juolludanbušeahta oasis leat doaibmabušeahtta ja investerenušeahtta. Suohkana ekonomiijanjuolggadusaid mielde mearrida/juolluda

suohkanstivra rámmaid suohkana doibmii netto rámmadásis. Bálvalusovttadagat galget ráhkadit detálja jahkebušeahta daid rámmaid siskkobealde mat addojit.

Ekonomiijanjuolggadusain lea dadjon ahte ii sáhte atnit eanet go nettorámmat almma suohkanstivrra dohkkeheami haga, ja máksá ahte suohkanstivra galgá leat mearridan ášši rievdadit nettorámmaid. Ovttatatjodiheddjin lea ovddasvástádus sin delegerejuvvon rámmaid siskkobealde doalahit bušeahttarámmaid, nu go bohtá ovdan bušeahttaskovis 2B ekonomiijaplánas.

Plánadokumeanttas lea doaibmaprogramma, jahkebušeahtta 2019 ovddas ja ekonomiijaplána áigodahkii 2019-2022. Doaibmaprogramma lea vuođđun ovttagaid doaibmaplánaide maŋit jahkái. Miellodus 2 čájeha buot doaibmabijuid maid ii leat leamaš munni 2019-bušehtii bidjat, muhto maid suohkanstivra sáhtá válljet váldet mielde bušehtii. Miellodus 3 čájeha evttohusaid seastindoaimmaide, doaimmat mat leat bušeahtas mielde ja maid suohkansivra sáhtá válljet váldet eret seastima dihte. Miellodus 4 čájeha buot investerendoaimmat mat eai leat mielde bušeahttaevttohusas, ja maid sáhtá váldit mielde. Listtut eai čájjet buot doaimmaid. Miellodus 5 čájeha suohkana finansiellá stáhtusa, ja deattuha suohkana reantoriska.

Árvvoštallan:

Maŋnel jagiid go leat seastán lea otná doaibmadássi hui vuollin. Unnidit ovttagaid bušeahtaid eahperealisttalaš dássái, maid eai nagot doallat, ii leat jierpmálaš ekonomalaččat. Otná bušeahtas ii leat munni lasihit doaibmadási nu ahte ii čuohcá láhkageatnegahttojuvvon bargguide. Ekonomalaš doaibmamunni lea hástaleaddji ja dagaha suohkana hearkin vuorddekeahes dáhpáhusaid ja rievdaduvvon bálvalusdárbut. Ovdamearkka dihte sáhtá stuorit geavaheaddjidárbut resursagáibideaddji bálvalusain buktit stuorra eanetgeavaheami.

Ráđđeolmmái ja ovttagat bargat dan ala ahte suohkan sáhtá fállat rievttis bálvalusaid, buriin kvalitehtain ja diehttevaš sisdoaluin. Hástalus ii leat váilevaš dáhttu, muhto doarvái sisaboađut mat sáhttet sihkkarastit rievttis ja buriid bálvalusaid kvalitehtain. Gáržžes dilli sisaboađuid dáfus ja vuordámušat buoret čálgofálaldahkii álbmogii gos dat boarrásiid geardi olmmošlogus lassána, de gáibida dat garrasit vuoruheami daid iešguđegelágan bálvalusaid gaskkas ja juogu doaimma ja investerema gaskkas. Danin leat stuorit vuoruheamit vuordimis ovddasguvlui, ja jus áigu lasihit bušeahta ovtta sajis de ferte nuppe sajis unnidit.

Vaikko suohkanis lea disposišuvdnafoanda de maŋdit dušše ekonomalaš hástalusaid jus atnit foandda lasihit bálvalusfálaldagaid. Čoavddalogut addet čielga signálaid ahte suohkana ekonomiija ii boađe nagodit guoddit goluid jus doaibmadássi ii heivehuvvo sisaboađuide.

Profiila bušeahtas sáhtá oanehaččat geassit oktii ná:

- Effektiviseret doaimmaid ja dainna lágiin luvvet bargoresurssaid buoridan dihte bálvalusaid
- Heivehit doaibmadási sisaboađuide
- Realisttalaččat bušeteret ja várret ruđa vuorddekeahes doaimmaide ja dáhpáhusaide

Mearrádusevttohus:

1. Doaibmaprogramma 2019-2022 mearriduvvo daid mihttuiguin ja eavttuiguin suohkana bálvalusaid hárrái nugo bohtet ovdan doaibmaprogrammadokumeanttas.

2. Jahkebušeahtta 2019 ja ekonomiiaplána 2020-2022
 - a. Doaimabušeahtta mearriduvvon nugo bušeahttaskoviin (doaima) 1A ja 1B bohtá ovdan
 - b. Investerenbušeahtta mearriduvvo nugo bušeahttaskoviin (investeren) 2A ja 2B bohtá ovdan
 - c. Jahkebušeahttamearrádus čatná ja lea dušše suohkanstivra ieš gii sáhtá dan rievdat, dahje
 - d. Investerenrámma šaddá 11 118 000 ruvno, gos loatnamáksu álggahanloanaide dahká 1 317 000 ja iežaskapítálamáksu KLPii dahká 980 000 ruvno nugo bohtá ovdan bušeahttaskoviin
3. Loatnaváldin
 - a. Suohkanstivra mearrida loatnarámma 2019 ovddas lea 3 071 000 ruvno ruhtadan dihte ođđa netto juolludemiid investeremiidda.
 - b. Ráđđeolmmái oažžu válddi šiehtadit loatnaeavttuid daid namuhuvvon rámmaid siskkobealde
4. Čálihuuvon vearru
 - a. Sisabohto- ja opodatverru Guovdageainnu suohkanis sisabohtojahkái 2019 geavahuvvojit alimusmáksomearit gč Stuoradikki vearromearrádusat.
5. Opodatvearru
 - a. Obbalaš opodatvearu máksomearri, opodatvearrolága § 11:
 - i. Opodatvearrolága §§ 2 ja 3 bustávva a) galgá čuovvovaš čálihanmolssaeaktu adnot vearrojagi 2017: “Fásta opomodagat olles suohkanis”.
 - ii. Obbalaš opodatvearu máksomearri biddjo opodatvearrolága § 11 vuodul 7 promillii.
 - iii. Vuodđogeassu ássanviesuin ja astoáiggeopmodagain addo kr. 800 000,-.
 - b. Differensieren, opodatvearrolága § 12:
 - i. Opodatvearrolága § 12 a) vuodul differensierejuvvojit máksomearit go dat vearromearri mii galgá gustot (huksejuvvon) opodagaide ja astoáiggeopmodagaide biddjo 2 promillii.
 - ii. Opodatvearrolága § 12 bustávva b) vuodul differensierejuvvo máksomearri dan bokte go máksomearri buot vearrogeatnegahttojuvvon huksetkeahtá vuodđoopmodagain biddjo 2 promillii.
 - c. Verk ja bruk takserejuvvojit ođđasit jagi 2019 mearriduvvon opodatvearrolága rievdadusaid mielde.
6. Bušeahtat dohkkehuvvot rámmajuolludeapmin juohke ovttá ovttadahkii nu go bohtet ovdan bušeahttaskovis ja ekonomiijalaš bajilgovain.
7. 2019 rájes galget suohkana divvagat ja opodatvearru mánnosaččat sáddejuvot
8. Suohkanstivra dohkkeha ovdagotti mearrádusevttohusa ekonomiiaplánii 2019-2022 ja jahkebušeahta 2019 čuovvovaš rievdademiiguin: